

TÉIGH I DTEAGMHÁIL LINN

Is féidir leat fanacht i dteagmháil leis an tionscadal trínár suíomh gréasáin, áit a mbeifear ag postáil nuashonruithe ar an dul chun cinn chomh maith le sonraí faoi na hoibreacha atá ar siúl. Chun tuilleadh fiosrúchán a dhéanamh, ná bíodh drogall ort teagmháil a dhéanamh linn le ríomhphost nó sa phost ag:

Bainisteoir Tionscadail FRS na Dúnaibh

An Oifig Tionscadail: RPS, Ionad Gnó an Chiste Fiontair, Baile Raithin, Leitir Ceanainn, Co Dhún na nGall, F92 AF43

Ríomhphost: downingfrs@rpsgroup.com

NAISC ÁBHARTHA

Láithreán Gréasáin: <https://countydonegalfrs.ie/downingfrs/>

COUNTY DONEGAL
FLOOD RELIEF SCHEMES



Tionscadal Éireann
Project Ireland
2040

OPW
Oifig na
nOibreacha Poiblí
Office of Public Works

NA DÚNAIBH

Scéim Faoisimh ó Thuilte

Nuachtlitir Uimh. 2
Feabhra 2021

<https://countydonegalfrs.ie/downingfrs>



CÉN CHÉIM ATÁ BAINTE AMACH AG AN TIONSCADAL?

Ó eisíodh Nuachtlitir dheireanach an Tionscadail (Nuachtlitir Uimh.1, Samhain 2020), rinneadh na gníomhaíochtaí seo a leanas a chríochnú nó tá siad ar bun.

Cuireadh Comhairliúchán Poiblí Tosaigh fíorga / ar líne ar siúl ón 9 Samhain go dtí an 21 Nollaig 2020. Ba é cuspóir an chomhairliúcháin an scéim a thabhairt isteach agus eolas luachmhar áitiúil a bhailiú agus deis a thabhairt i gcomhthráth do pháirtithe leasmhara agus baill den phobal eolas a chur ar fáil do dhearadh na scéime trí aon mholtaí nó buarthaí a thabhairt le fios. Fuarthas trí aighneacht (ní bhfuarthas ach ceann amháin ó dhuine a bhí thíos le tuile). Tá foireann an tionscadail buíoch de gach aighneacht a fuarthas agus tá athbhreithniú á dhéanamh acu orthu faoi láthair.

Tá an tréimhse chomhairliúcháin thosaigh dúnta anois ach tá an t-eolas go léir ar an tionscadal ar fáil go fóill ar láithreán gréasáin an tionscadail www.countydonegalfrs.ie/downings, sonraí teagmhála san áireamh don fhoireann, más mian leat teagmháil a dhéanamh leo. Cuirfear an dara comhairliúchán poiblí ar siúl nuair a sainaithníodh an rogha beart chun réadmhaoin atá i mbaol a chosaint chun gur féidir leat a thabhairt faoi deara conas a rinneadh do chuid aighneachtaí a chur san áireamh.

Chríochnaigh Murphy Geospatial (www.murphygs.ie) an obair allamuigh le déanaí ar shuirbhéireachtaí tairisí ar réadmhaoin chomh maith le suirbhéireacht mhionsonraithe abhann agus talún. Baileoidh na suirbhéireachtaí seo na sonraí a theastaíonn chun samhail ríomhaire atá cothrom le dáta a fhorbairt ar Shruth Mhachaire Loiscthe, a thuillemhá agus na ceantair a d'fhéadfadh bheith i mbaol tuile cósta i mBá na nDúnaibh. Déanfaidh an tsamhail ionsamhlú mionsonraithe ar chásanna sreafa agus leibhéal uisce chun méid agus doimhneacht tuile a dheimhniú. Sainaithneofar in aschur na samhla réadmhaoin atá i mbaol tuile agus na bearta a d'fhéadfadh bheith ag teastáil chun iad a chosaint.

Chuir foireann an tionscadail Ceardlann Theicniúil Hidreolaíochta ar siúl an 16 Nollaig 2020, chun plé agus comhaontú a dhéanamh ar an gcur chuige i leith Hidreolaíochta leis an nGrúpa Stiúrtha. Tá obair ar siúl anois chun na sreafaí criticiúla i Sruth Mhachaire Loiscthe agus na leibhéil toinne agus uisce faoi thionchar an chósta a dheimhniú a dhéanfar a ionsamhlú i samhla hidrálacha. Déanfaidh aschur na samhla seo riosca i gcás tuilte a chainníochtú agus a léarscáilú de réir an leibhéil sonraí a theastaíonn chun an Scéim a dhearadh. Tá staidéar déanta againn ar shaintréithe fisiciúla na ndobharcheantar a imríonn tionchar ar uisce a ritheann chun srutha agus tá anailís á déanamh againn ar shonraí ó thomhsairí hidriméadracha (sreabhadh abhann agus leibhéal uisce cósta) agus ar stáisiúin mheitéareolaíochta (báisteach). Cuirfear sonraí iomlána faoin anailís a dhéantar agus faoi na torthaí ar fáil i dTuarascáil Hidreolaíochta a bheidh ar fáil ar láithreán gréasáin an tionscadail nuair a bheidh sé críochnaithe.

Tá tuarascáil Staidéir ar Shrianta Comhshaoil á dhéanamh ag an Taifead ar Dhéanmhais Chosanta (an TDC) ina dtugtar chun solais an méid is gá a chur san áireamh nuair a bhíonn Scéim atá inghlactha ó thaobh cúrsaí comhshaoil de á dearadh. Tá súil á caitheamh ar shrianta maidir le Bithéagsúlacht, Flóra agus Fána, Ithreacha agus Geolaíocht, Seandálaíocht, Oidhreacht Ailtireachta agus Chultúrtha, Úsáid Talún agus Sócmhainní Ábhartha, Tírdhreach agus Tionchar Amhairc, agus Daonra agus Sláinte an Duine. Rinneadh réamhshuirbhéanna allamuigh freisin chun íomhá fhoriomlán den bhonnlíne éiceolaíochta a chruthú agus an gá atá le suirbhéireachtaí níos mionsonraithe a dhéanamh i mbliana a shainaithint. Nuair a bheidh an tuarascáil críochnaithe, beidh sí ar fáil lena híoslódáil ó láithreán gréasáin an tionscadail.

TIONCHAR AN CHORÓINVÍRIS (COVID-19)

D'oibrigh foireann an tionscadail go dian dícheallach lena chinntiú go gcloíonn gach gníomhaíocht faoina dtugtar mar chuid den tionscadal leis an treoir sláinte poiblí maidir leis an gCoróinvíreas agus iarracht á déanamh i gcomhthráth chun na tionchair dhiúltacha a imrío dh ar chlár an tionscadail a laghdú. Ní fhéadfadh an comhairliúchán poiblí tosaigh titim amach mar imeacht ar fhreastail daoine i bpearsan sna Dúnaibh, ach cuireadh comhairliúchán fíorga ar siúl ar líne ina ionad sin agus scaipeadh cruachóipeanna den cháipéisíocht ábhartha ar theaghlach agus ar ghnólachtaí go háitiúil freisin.

Lean Grúpa Stiúrtha an SFT (ina bhfuil Oifig na nOibreacha Poiblí (OOP), Comhairle Contae Dhún na nGall agus an TDC) ag casadh le daoine go rialta trí úsáid a bhaint as físchomhdháil. Mheas údarás áitiúla gur seirbhís bhunriachtanach iad scéimeanna faoisimh ó thuilte a thabhairt chun cinn agus cheadaigh seo, ar an ábhar sin, do na suirbhéireachtaí topagrafacha leanúint ar aghaidh i rith mhí Eanáir agus Feabhra. Anuas air sin, rinne baill eile d'fhoireann an tionscadail réamhshuirbhéanna sa limistéar staidéir.

BREAC-CHUNTAS AR CHLÁR NA SCÉIM

	Gníomhaíocht	2020	2021	2022	2023	2024	2025
Céim 1	Bailiú Sonraí agus suirbhéanna	■					
	Anailís Hidreolaíochta	■	■				
	Anailís Hidrálach	■	■	■			
	Anailís agus forbairt na Scéime		■	■	■		
Céim 2	Pleanáil			■	■		
Céim 3	Dearadh mionsonraithe na Scéime				■	■	
Céim 4	Oibreacha tógála					■	■
Céim 5	An Scéim á hOibriú						■

An meastachán is fearr atá sna hamlínte a chuirtear ar fáil agus b'fhéidir go dtiocfaidh athrú orthu.

NA CHÉAD CHÉIMEANNA EILE

Bailiú Sonraí: Tá Bailiú Sonraí ar siúl. Is spéis le foireann an tionscadail grianghraif, físeáin, sceitsí nó aon eolas ábhartha eile a fháil maidir le teagmhais tuile a tharla roimhe seo ó na daoine a raibh taithí phearsanta acu orthu. Cabhróidh an t-eolas a chuirtear ar fáil le foireann an tionscadail an tsamhail abhann agus dearadh na scéime faoisimh ó thuilte a bheachtú. Má bhíonn aon eolas agat a d'fhéadfadh a bheith áisiúil, iarrtar ort teagmháil a dhéanamh le foireann an tionscadail.

Suirbhéireachtaí: Cuireadh tús leis na suirbhéireachtaí ar chainéal na habhann, an trá agus ar an talamh in Eanáir 2021 ar Shruth Mhachaire Loiscthe agus trasna na Bá agus sna cheantair máguaird. Tá an tsuirbhéireacht in ainm is a bheith críochnaithe go luath. Tá Suirbhéireachtaí ar an mBail ar Shócmhainní Cosanta (DAC) ar na cosaintí tuile atá ann faoi láthair le tosú i bhFeabhra 2021.

Anailís Hidreolaíoch: Tá an anailís hidreolaíoch, anailís san áireamh ar shonraí stairiúla tuile, ar siúl. Tá sreabhadh tuile dearaidh agus leibhéal uisce dearaidh le haghaidh cásanna éagsúla tuile á bhforbairt. Cuirfidh iad seo, anuas ar shonraí an tsuirbhé, an t-ionchur riachtanach ar fáil don tsamhail ríomhaire mar chuid den anailís hidrálach.

Anailís Hidreolaíoch: Cuirfear tús leis an tsamhail ríomhaire i Márta 2021 i ndiaidh go bhfaightear an t-eolas topagrafach suirbhéireachta.

Measúnú Timpeallachta: Tabharfar faoi shuirbhéireachtaí breise mionsonraithe timpeallachta de réir mar a dhéanann forbairt na scéime dul chun cinn, leictriascaireacht, suirbhéireachtaí ar speicis chosanta, suirbhéireachtaí seandálaíochta agus ailtireachta, suirbhéanna torainn agus imscrúduithe láithreáin, san áireamh i measc rudaí eile. Cuirfidh na srianta comhshaoil a shainaithneofar eolas ar fáil do bhreithmheas a dhéanfar ar na roghanna don scéim faoisimh ó thuilte agus cinntíonn seo go ndéantar breithniú orthu luath sa phróiseas dearaidh agus go ndéantar measúnú daingean ar thionchar féideartha comhshaoil na rogha scéime.